



## Ynglŷn â'r nodiadau hyn

Cynlluniwyd y nodiadau hyn i'ch helpu i lenwi'ch ffurflen 575(T), 'Hysbysiad trosglwyddo lwfansau Treth Incwm sydd dros ben ar gyfer y flwyddyn dreth ddiwethaf.

Gallwch drosglwyddo unrhyw Lwfans Pâr Priod a Lwfans Person Dall sydd dros ben i'ch priod neu bartner sifil. Ffurflen 575(T) yw'ch hysbysiad i drosglwyddo'r lwfansau sydd dros ben.

Dim ond os ydych yn briod neu wedi ffurfio partneriaeth sifil, ac yn byw gyda'ch gilydd ar unrhyw adeg yn ystod y flwyddyn dreth ddiwethaf y gallwch drosglwyddo lwfansau sydd dros ben i'ch priod neu bartner sifil.

Mae swm y lwfansau sydd dros ben y gallwch eu trosglwyddo yn dibynnu ar eich incwm a'ch lwfansau treth.

Os rhowch hysbysiad i drosglwyddo i ni, efallai y bydd yn rhaid i ni roi gwybod i'ch priod neu bartner sifil beth sydd wedi'i gynnwys yn eich incwm trethadwy.

Os yw'ch incwm yn cynyddu, byddwn fel arfer yn cymryd y lwfansau a drosglwyddwyd oddi wrth eich priod neu'ch partner sifil.

## Lwfans Pâr Priod

Gellir hawlio Lwfans Pâr Priod os ganed chi, eich priod neu'ch partner sifil cyn 6 Ebrill 1935, ac:

- rydych yn ŵr priod neu'n wraig briod a briododd cyn 5 Rhagfyr 2005
- rydych yn ŵr priod, gwraig briod neu bartner sifil a briododd neu a ffurfiodd bartneriaeth sifil ar neu ar ôl 5 Rhagfyr 2005, a'ch bod yn byw gyda'ch priod neu bartner sifil am y flwyddyn dreth gyfan yr ydych yn hawlio'r lwfans ar ei chyfer, neu am ran ohoni

Mae'r rheol sy'n ymwneud â byw gyda'ch gilydd hefyd yn berthnasol pan fyddwch yn ystyried trosglwyddo lwfansau sydd dros ben.

Hyd yn oed os nad oeddech yn byw o dan yr un to, gellir eich trin fel petaech yn 'byw gyda'ch gilydd' cyn belled a'ch bod yn dal yn briod neu o fewn partneriaeth sifil, ac nad oes yr un ohonoch yn bwriadu gwneud y gwahaniad yn un parhaol.

## Lwfans Person Dall

Gallwch hawlio'r lwfans hwn yng Nghymru a Lloegr os ydych wedi'ch cofrestru'n ddall gan eich awdurdod lleol.

Gallwch gael y lwfans o'r flwyddyn gyntaf yr ydych ar y gofrestr ac ar gyfer y flwyddyn cyn y flwyddyn gyntaf, os oes gennych dystiolaeth eich bod yn ddall cyn diwedd y flwyddyn honno.

Fel arfer, y dystiolaeth hon fydd y dystysgrif gan yr offthalmolegydd y seiliwyd y cofrestriad arni.

Nid oes gofyn yn yr Alban a Gogledd Iwerddon i awdurdodau lleol gadw cofrestri. Y gofyn cyfatebol yw bod yn rhaid i chi fod mor ddall na allwch gyflawni unrhyw waith y mae golwg yn angenrheidiol ar ei gyfer.

Nid oes lwfans ar gael os ydych yn rhannol ddall.

Os yw'ch priod neu bartner sifil hefyd wedi cofrestru, yna gall y ddau ohonoch hawlio lwfans.

Os na allwch ddefnyddio'ch lwfans llawn eich hun, gallwch drosglwyddo'r gweddill i'ch priod neu bartner sifil, hyd yn oed os nad ydyw'n ddall.

## Llenwi'r manylion 'Datganiad o incwm a didyniadau' ar ffurflen 575(T)

### Cyflog o gyflogaeth

Nodwch y cyflog a gafwyd ar gyfer y flwyddyn os buoch yn gweithio i gyflogwr yn llawn amser neu'n rhan amser. Rhowch eich enillion cyn treth.

Os ydych wedi gweithio i fwy nag un cyflogwr yn ystod y flwyddyn, rhowch gyfanswm eich enillion o bob cyflogaeth a nodwch enw a chyfeiriad y cyflogwr diwethaf.

Mae blwch ar wahân ar gael i chi nodi unrhyw enillion achlysurol ar gyfer y flwyddyn.

### Incwm o hunangyflogaeth

Os ydych wedi cael unrhyw incwm o hunangyflogaeth, nodwch swm eich elw. Os oeddech mewn partneriaeth, nodwch fanylion ar gyfer eich cyfran chi o'r bartneriaeth yn unig.

### Pensiynau'r Wladwriaeth

Nodwch symiau unrhyw pensiynau trethadwy'r Wladwriaeth yr oedd gennych hawl iddynt yn y flwyddyn. Er enghraifft:

- Pensiwn sylfaenol y Wladwriaeth
- pensiwn y Wladwriaeth ar sail enillion (SERPS)
- pensiwn graddedig ac ychwanegiad oedran os ydych dros 80 mlwydd oed

### Budd-daliadau'r Wladwriaeth

Os cawsoch Lwfans Ceisio Gwaith neu Gymhorthdal Incwm am gyfnod o ddiweithdra, gweithio tymor byr, diswyddo neu streic, nodwch y cyfanswm a gafwyd yn ystod y flwyddyn a'r math o fudd-dal a gafwyd. Cewch wybod gan eich swyddfa Canolfan Byd Gwaith faint ohono sy'n drethadwy.

Os cawsoch Fudd-dal Analluogrwydd Trethadwy, nodwch y cyfanswm yr oedd gennych hawl iddo yn y flwyddyn. Ond peidiwch â chynnwys Budd-dal Analluogrwydd y mae swyddfa'r Canolfan Byd Gwaith wedi rhoi gwybod i chi nad yw'n drethadwy. Er enghraifft:

- Budd-dal Analluogrwydd a dalwyd ar gyfer y 28 wythnos gyntaf o analluogrwydd
- roedd gennych hawl i Fudd-dal Analluogrwydd cyn 13 Ebrill 1995, ac nid ydych wedi cael saib yn eich hawliad

Os cawsoch Lwfans Cyflogaeth a Chymorth, nodwch y cyfanswm trethadwy yr oedd gennych hawl iddo yn ystod y flwyddyn.

## Pensiynau eraill

Nodwch swm llawn unrhyw bensiwn yr oedd hawl gennych ei gael am y flwyddyn gan gyflogwr blaenorol.

Dylech hefyd gynnwys pensiynau o'r canlynol:

- cynllun pensiwn personol neu gcontract blwydd-dal ymdeol
- pensiwn ar gyfer anafiadau yn y gwaith neu salwch sy'n gysylltiedig â gwaith
- pensiynau o dramor
- taliadau a gafwyd gennych o dan y rheolau Hyblygrwydd Pensiwn

Dewch o hyd i'r wybodaeth sydd ei hangen arnoch ar eich ffurflen P60, y dylai'ch talwr pensiwn ei rhoi i chi ar ôl diwedd pob blwyddyn dreth, neu ar unrhyw dystysgrif arall o bensiwn a dalwyd a'r dreth a ddiwyddwyd.

Peidiwch â chynnwys unrhyw bensiwn sy'n daladwy i'ch priod neu bartner sifil.

## Llog

Os oes gennych gynilion ar y cyd, rhaid i chi nodi'ch cyfran chi o'r incwm yn unig.

Mae angen i chi gynnwys:

- llog o gynnyrch Cynilion a Buddsoddiadau Cenedlaethol (NS&I), sy'n cynnwys
  - Cyfrifon Cynilo Easy Access
  - Cyfrifon Buddsoddi
  - Bondiau Incwm
- llog o dramor nas trethwyd, hyd at £2,000
- llog gros a gafwyd o warantau'r Llywodraeth (giltiau) a benthyciadau preifat

Nid oes angen i chi gynnwys:

- llog o Dystysgrifau Cynilion NS&I
- llog a bonysau o ISA

gan nad yw'r rhain yn drethadwy.

## Difidendau o gyfranddaliadau mewn cwmnïau yn y DU ac incwm o ymddiriedolaethau unedol

Peidiwch â chynnwys incwm o fuddsoddiadau a ddelir mewn PEP neu ISA gan nad yw'r rhain yn drethadwy.

## Incwm o ystafelloedd wedi'u dodrefnu neu o osod eiddo

Nodwch gyfanswm yr incwm a gafwyd gan yr holl osodiadau o dir ac eiddo, llai cyfanswm y treuliau a hawli'r. Os ydych yn cael incwm o osod ystafelloedd wedi'u dodrefnu yn eich unig neu brif breswylfa, gall y £4,250 cyntaf o rent gros fod wedi'i eithrio rhag treth. Os felly, dylech hepgor y rhent hwnnw ac unrhyw wariant cysylltiedig o gyfanswm eich incwm.

## Unrhyw incwm trethadwy arall

Nodwch swm unrhyw incwm arall a gafwyd nad ydych wedi'i nodi mewn unrhyw fan arall ar y ffurflen. Hefyd, nodwch enw'r talwr yn y blwch disgrifiad. Os oes mwy nag un talwr, rhowch fanylion ar ddalen ar wahân a'i hatodi i'r ffurflen.

Nodwch fanylion unrhyw daliadau a wnewch y gallwch hawlio rhyddhad treth ar eu cyfer. Er enghraifft:

- cyfraniadau Rhodd Cymorth a rhoddion o fuddsoddiadau cymwys i elusen
- taliadau cynhaliaeth sy'n gyfreithiol rwymlol lle y ganwyd un neu'r ddau barti i'r briodas neu'r bartneriaeth sifil cyn 6 Ebrill 1935
- treuliau mewn cyflogaeth

## Rhagor o help

Os oes angen rhagor o help arnoch neu os ydych yn cael anhawster wrth lenwi'r ffurflen hon, ewch i [www.gov.uk/government/organisations/hm-revenue-customs/contact/welsh-language-helplines](http://www.gov.uk/government/organisations/hm-revenue-customs/contact/welsh-language-helplines)

## Eich hawliau a'ch rhwymedigaethau

Mae 'Eich Siarter' yn egluro'r hyn y gallwch ei ddisgwyl gennym ni, a'r hyn a ddisgwyliwn gennych chi. Mae rhagor o wybodaeth i'w chael yn [www.gov.uk/eichsiarter](http://www.gov.uk/eichsiarter)